

ԳԵՂԱՄԱ

«ԶԽԱՐԸ»

Քաղաքական, հասարակական, մշակութային թերթ 11 օգոստոսի 2025թ. թիվ 16 (620)

ԳԵՂԱՐՔՈՒՆԻՔԻ ՄԱՐԶՊԵՏ ԿԱՐՆԵՆ ՍԱՐԴՍՅԱՆԸ ՄԱՐՏՈՒՆԻ ՀԱՄԱՅՆՔՈՒՄ ԴԻՏԱՐԿԵՑ ՍՈՒՔՎԵՑԻՈՆ ԾՐԱԳՐԵՐԻ ԸՆԹԱՑՔԸ

Հուլիսի 23-ին Գեղարքունիքի մարզպետ Կարեն Սարգսյանը Մարտունի համայնքի ղեկավար Հովհաննես Հովեյանի հետ Երանոս, Վարդաձոր եւ Ջորագյուղ գյուղերում դիտարկեց սուբվենցիոն ծրագրերի ընթացքը։

Նրանց ուղեկցում էին Երանոս, Վարդաձոր, Ջորագյուղ գյուղերի վարչական ղեկավարները, Գեղարքունիքի մարզպետի եւ Մարտունու համայնքապետարանի աշխատակազմերի քաղաքաշինության ոլորտի պատասխանատուներ։

Այցի առաջին կանգառը Երանոսի 5-րդ, 9-րդ, 21-րդ, 22-րդ փողոցներում էր, որտեղ հիմնադրված ու ասֆալտապատված աշխատանքներն ավարտվել են ՀՀ կառավարության կողմից 2024 թվականին իրականացվող սուբվենցիոն ծրագրերի շրջանակներում։

Շինարարական աշխատանքների մեկնարկը տրվել է 2025 թվականի մայիսից։ 2025 թվականի հուլիսի 23-ի դրությամբ արդեն ամբողջությամբ ասֆալտապատված են բոլոր փողոցները 1920 մետր երկարությամբ եւ 9240 քառակուսի մետր մակերեսով։ Նույն ծրագրի շրջանակներում Երանոսի թիվ 21 եւ 22 փողոցներում կառուցվել է 75 գծա-մետր երկարության հենապատ։

Երանոսի փողոցների հիմնանորոգման ծրագրի



պայմանագրային արժեքը կազմում է 116 միլիոն 652 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը։

Այցի երկրորդ կանգառը Երանոսի թիվ 1,2,3, 21,27-րդ փողոցներում ու Վարդաձորի խճուղում էր, որտեղ ՀՀ կառավարության կողմից 2024 թվականին իրականացվող սուբվենցիոն ծրագրերի շրջանակներում արդեն ավարտվել են ոռոգման ջրատար ցանցի կառուցման աշխատանքները։

Երանոսի ոռոգման ջրատար ներքին ցանցի կառուցման ծրագրի պայմանագրային արժեքը կազմում է 67 միլիոն 780 հազար դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Մարտունու համայնքապետարանը։

Ծրագրի իրականացման արդյունքում Երանոսում ոռոգման ջրատարի ներքին ցանց է կառուցվել 1797 մետր ընդհանուր երկարությամբ, մետաղական, երկաթբետոնե եւ պոլիէթիլենային կիսախողովակներով կամ խողովակներով։

Շինարարական աշխատանքները մեկնարկվել են 2024 թվականի օգոստոսին եւ ավարտվել 2025 թվականի հունիսին։

Ծրագրի իրականացման շնորհիվ այս ոռոգման շրջանից Երանոսի շուրջ 600 տնտեսության տնամերձ հողամասերում ոռոգման ջուրը մատակարարվում է ժամանակին եւ անկորուստ։

/շարունակությունը էջ 2-ում/

ԳԵՂԱՐՔՈՒՆԻՔԻ ՄԱՐԶԻ ԵՐԿՐԻ ԲՈՆՑՔԱՄԱՐՏԻԿ ԱՐԾԱԹԵ ՄԵԴԱԼ ԵՆ ՆՎԱՃԵԼ ԵՎՐՈՊԱՅԻ ԿՐՏՍԵՐ ՏԱՐԻՔԻ ՊՆՏԱՆԻՆԵՐԻ ԱՌԱՋՆՈՒԹՅՈՒՆՈՒՄ



Հյաստանի Հանրապետության բռնցքամարտի կրտսեր տարիքի պատանիների հավաքականի կազմում Գեղարքունիքի մարզը ներկայացնող երկու բռնցքամարտիկ արծաթ մեդալով են հայրենիք վերադարձել Սերբիայում կայացած Եվրոպայի առաջնությունից։

Ինչպես տեղեկացրեց Գեղարքունիքի մարզի բռնցքամարտի ֆեդերացիային նախագահ Գեւորգ Սարգսյանը, միջազգային մրցաշարում պատվո երկրորդ աստիճանին կանգնել են Սեւանի մարզադպրոցի սան, 51 կիլոգրամ քաշային Կարինե Դալլաքյանը եւ Մարտունու մարզադպրոցի սան, 36 կիլոգրամ քաշային Էլեն Բարսեղյանը։

Մինչ եզրափակիչ հասնելը մեր կրտսեր տարիքի բռնցքամարտիկները երկուական հրաշալի մենամարտեր անցկացրին՝ թողնելով հիանալի տպավորություն ու դրսևորելով հաղթանակի հասնելու կամք ու ձգտում։ Ամեն դեպքում, երկու արծաթե մեդալն էլ մենք համարում ենք լուրջ նվաճում ու լիափութ ենք, որ Կարինե Դալլաքյանն ու Էլեն Բարսեղյանը դեռ մեզ կշարունակեն հիացնել իրենց նորանոր հաղթանակներով, նշեց Գեւորգ Սարգսյանը։

Մեր մեդալակիր մարզուհիներին շուքով են դիմավորել իրենց համայնքներում։



ԳԵՂԱՄԱ ԼԵՌՆԵՐԻ ԺԱՅՌԱՊԱՏՆԵՐՆԵՐԸ

Գեղամա լեռնավահանի հսկայազանգված ու սքանչելի կատարներից մեկի՝ Սպիտակասարի գագաթի վերելքը սկսելուց առաջ ու Գռիձորի եւ Նազեմի լճի համայնապատկերներով զմայլվելուց հետո «Աժդահակ Տուր»-ի ղեկավար Թաթուլ Տոնոյանի ուղեկցությամբ շարժվում ենք դեպի Գնդասար լեռան ստորոտ, դեպի Կոտայքի մարզի Ձառ գյուղի վարչական տարածք՝ ժայռապատկերային արվեստի բազմազան ու բազմաթիվ գույնգործոցները դիտելու։

Թաթուլի ամենագնացը հաղթահարում է Գեղամա լեռների սարավանդներն ու բարձրությունները, դաշտամիջյան խորդուբորդ ծանապարհները։ Ամառային արոտավայրերում մենք տեսնում ենք ոչխարների հոտեր ու տավարի նախիրներ, անասնապահների վրանային կեցավայրեր ու անասնափարախներ, հոտերն ու նախիրները արոտի հանած անասնապահներին, հոտերը հսկող հպարտ ու ամենի գամփո շներին, լայնարձակ դաշտերով մեկ արածող կամ վարգող ձիերին հիանալով հովվերգական կյանքի անճամ, հոգեպարար տեսարաններով։

Այս կենդանի, հուզառատ պատկերները մեզ ակամա հետ են տանում դեպի դարերի ու հազարամյակների խորքերը, երբ մարդն առա-

վել ուժեղ էր ձուլված բնությանը, երբ նոր-նոր էր հիմք դնում անասնապահության ու հողագործության մեծ մշակույթներին՝ մաքառելով բնական անսամբ



տարերքների, կյանքի ամեն մի դժվարությունների դեմ։ Ու նույն հովվերգական կյանքը, քաղաքակրթությունից իսպառ կտրված կենցաղը շարունակվում է նաեւ մեր օրերում, աշխարհից հեռու այս ամառի, կուսական լեռների գրկում։ Եվ երջանիկ ենք զգում մեզ այն մտքից, որ տեսածներս ոչ թե գեղարվեստական կինոնկար է, այլ՝ կենդանի, շնչող իրականություն, աննկարագրելի, հաճելի եռուզեռ։ Մենք սրտաբաց ողջունում ենք սարվորներին ու շարունակում մեր ուխտագնացությունը դեպի Պայտասարի ստորոտ, որտեղ, ինչպես Թաթուլն է նկարագրում, ժայռապատկերների անվերջանալի գրադարան է՝ հսկայածավալ քարափների տեսքով։

Վախենամ, թե այդ ժայռապատկերները մեկառմեկ տեսնելու համար մեզ մի ցերեկը չբավարարի, Սպիտակասար բարձրանալու համար բավարար ժամանակ չունենանք, ասում է Թաթուլը։

Վերջապես մեր մեքենան կանգ է առնում Պայտասարի ստորոտի քարափի մոտ, ու մենք մեզ արդեն զգում ենք բոլորովին այլ իրականության մեջ, հեքիաթային մի ուրիշ աշխարհում։

/շարունակությունը էջ 4-ում/

Օգոստոսի 1-ին Գեղարքունիքի մարզպետ Կարեն Սարգսյանը մասնակցեց Մարտունու պետական բժշկական քոլեջի 2025 թվականի ուսումնական տարվա շրջանավարտների դիպլոմների շնորհման հանդիսավոր արարողությանը:

Միջոցառմանը մասնակցում էին նաև Մարտունու համայնքի ղեկավար Յովհաննես Յովեյանը, Մարտունու ԲԿ տնօրեն Անդրանիկ Դարոյանը, Մարտունու համայնքապետարանի աշխատակիցներ, Մարտունու ԲԿ բուժանձնակազմի անդամներ, շրջանավարտների ծնողներ:

Հանդես գալով բացման խոսքով՝ Մարտունու պետական բժշկական քոլեջի տնօրեն Տարոն Արշակյանը նշեց, որ այս տարի հաստատությունը կյանք է ճանապարհում իր հերթական թվով 84 շրջանավարտներին, ովքեր համալրելու են պետական կամ մասնավոր առողջապահական հաստատությունները:



Մարտունու պետական բժշկական քոլեջի շրջանավարտների և ծնողների հանդիսավոր արարողությունը:

գինվորական ծառայության եւ իրենց պարտքն են կատարում հայրենիքի հանդեպ:

Շրջանավարտների դիպլոմները շնորհեցին Գեղարքունիքի մարզպետ Կարեն Սարգսյանը, Մարտունու համայնքի ղեկավար Յովհաննես Յովեյանը, Մարտունու ԲԿ տնօրեն Անդրանիկ Դարոյանը, Մարտունու պետական բժշկական քոլեջի տնօրեն Տարոն Արշակյանը, դասախոսներ Վարդան Կարապետյանը եւ Սամվել Սահակյանը:

Ողջույնի եւ շնորհավորանքի խոսքերով հանդես եկան Գեղարքունիքի մարզպետ Կարեն Սարգսյանը, Մարտունու համայնքի ղեկավար Յովհաննես Յովեյանը, Մարտունու պետական բժշկական քոլեջի դասախոս Ալբերտ Սիրակյանը:

Միջոցառման ավարտին ներկայություն ցուցանեցին հանրային պատճառներով Մարտունու պետական բժշկական քոլեջի շնորհալի սաները:

«Գեղամա աշխարհ»

ԳԵՂԱՐՔՈՒՆԻՔԻ ՄԱՐԶՊԵՏ ԿԱՐԵՆ ՍԱՐԳՍՅԱՆԸ ՄԱՐՏՈՒՆԻ ՀԱՄԱՅՆՔՈՒՄ ԴԻՏԱՐԿԵՑ ՍՈՒԲՎԵՆՅՈՒՆ ԾՐԱԳՐԵՐԻ ԸՆԹԱՑՔԸ

/սկիզբը՝ էջ 1-ում/

Այցի շրջանակներում Երանոսի 3, 7, 8, 9, 11-րդ փողոցներում էր, որտեղ ՀՀ կառավարության կողմից 2024 թվականին իրականացվող սուբվենյոն ծրագրերի շրջանակներում արտաքին լուսավորության ցանց է կառուցվել:

Երանոսի արտաքին լուսավորության ցանցի կառուցման ծրագրի պայմանագրային արժեքը կազմել է 10 միլիոն 500 հազար դրամ, որի 60 տոկոսը հատկացրել է ՀՀ կառավարությունը, 40 տոկոսը՝ Մարտունու համայնքապետարանը:

Լուսավորության ցանցը կառուցվել է 2600 մետր ընդհանուր երկարությամբ, ԼԵԴ համակարգով աշխատող 98 լուսատուների տեղադրմամբ:

2024 թվականի օգոստոսից մեկնարկած շինարարական աշխատանքներն ավարտվել են տարեվերջին, ինչի արդյունքում Երանոս գյուղի վերոնշյալ փողոցներն իրենց պատմության մեջ առաջին անգամ լուսավորվում են գիշերային ժամերին:

Այցի շրջանակներում «Շողան աղբյուր» կոչվող տարածքի ջրահավաք ավազանի եւ նրանից սնվող ջրատարի հատվածում էր, որտեղ ՀՀ կառավարության կողմից 2024 թվականին իրականացվող սուբվենյոն ծրագրի շրջանակներում կառուցվել է խմելու ջրատարի արտաքին ցանց եւ ջրահավաք 1 ավազան:

Երանոսի խմելու ջրատարի արտաքին ցանցի եւ ջրահավաք ավազանի կառուցման ծրագրի պայմանագրային արժեքը կազմում է 22 միլիոն 407 հազար դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Մարտունու համայնքապետարանը:

Ծրագրով նախատեսված է Երանոսի «Շողան աղբյուր» տարածքում ջրահավաք ավազանի եւ նրանից սնվող 1900 մետր երկարության ջրատարի կառուցում ու միացում գյուղի սնուցող ներքին ցանցին:

Շինարարական աշխատանքները մեկնարկել են 2024 թվականի սեպտեմբերի կեսերից եւ ավարտվել տարեվերջին:

Ծրագրի իրականացման արդյունքում Երանոս գյուղի մատակարարվող խմելու ջրի հզորությունն ավելացել է շուրջ 7 լիտր վայրկյանով: Ծրագրի շահառու են հանդիսանում Երանոս գյուղի բոլոր տնտեսությունները:

Այցի 5-րդ կանգառը Երանոս գյուղի կենտրոնական փողոցում էր, որտեղ ՀՀ կառավարության կողմից 2024 թվականին իրականացվող սուբվենյոն ծրագրերի շրջանակներում Մարտունու տարածքի պատմամշակութային հուշարձանները պատկերող երկու ավտոկանգառ է կառուցվել:

Երանոսի ավտոկանգառների կառուցման ծրագրի պայմանագրային արժեքը կազմում է 8 միլիոն 320 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը:

Շինարարական աշխատանքները մեկնարկել են 2024 թվականի նոյեմբերից եւ ավարտվել 2025 թվականի հուլիսին:

Ծրագրի իրականացման արդյունքում Երանոս գյուղի բոլոր բնակիչներն արդեն օգտվում են ժամանակակից, Մարտունու համայնքի պատմության եւ բնության հուշարձանները պատկերող, ճանաչողական ու զբաղաբեր ճանապարհորդ գովազդող ավտոկանգառներից:

Այցի 6-րդ կանգառը Վարդաձորի միջնակարգ դպրոցի շենքի շինհրապարակում էր, որտեղ արդեն սկսվել են ընթանում եւ վերանորոգման աշխատանքները ՀՀ պետության միջոցների հաշվին, ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում:

Ծրագրի իրականացման պայմանագրային արժեքը կազմում է 202 միլիոն դրամ:

Ծրագրով նախատեսված է շենքի տանիքի մասնակի նորոգում, բացօթյա մարզահրապարակի, վիճի-



լային հատակի կառուցում, պատերի ներքին ու արտաքին հարդարում, սանհանգույցների, կոյուղու, ջեռուցման համակարգի նորոգում, նոր դռների տեղադրում, այլ կարգի աշխատանքներ:

Շինարարական աշխատանքները նախատեսված է ավարտել առաջիկա չորս ամիսների ընթացքում:

Այցի 7-րդ կանգառը Վարդաձորի նորաստեղծ թաղամասում էր, որտեղ ՀՀ կառավարության կողմից իրականացվող սուբվենյոն ծրագրերի շրջանակներում կառուցվել է խմելու ջրատարի ներքին ցանց:

Վարդաձորի խմելու ջրատարի ներքին ցանցի կառուցման ծրագրի պայմանագրային արժեքը կազմում է 39 միլիոն 562 հազար 611 դրամ, որի 75 տոկոսը հատկացրել է ՀՀ կառավարությունը, 25 տոկոսը՝ Մարտունու համայնքապետարանը:

Ծրագրով նախատեսված է խմելու ջրատարի ներքին ցանցի կառուցում նորաստեղծ թաղամասում եւ հին ջրագծերի փոխարինում պոլիէթիլենային նոր խողովակներով: Կառուցվող ջրատարի ընդհանուր երկարությունը կազմում է 3 կիլոմետր 875 մետր:

Շինարարական աշխատանքները մեկնարկել են 2024 թվականի օգոստոսին եւ ավարտվել նույն տարվա դեկտեմբերին:

Ծրագրի իրականացման արդյունքում Վարդաձոր գյուղի 110 տնտեսությունն ապահովվել են որակյալ եւ շուրջօրյա ջրամատակարարմամբ:

Այցի 8-րդ կանգառը Վարդաձորի մայր առվի հատվածում էր ու մի շարք թաղամասերում, որտեղ ՀՀ կառավարության կողմից 2024 թվականին իրականացվող սուբվենյոն ծրագրերի շրջանակներում կառուցվել է ոռոգման համակարգ եւ Ձորագյուղ-Վարդաձոր ջրանցքը:

Վարդաձորի ոռոգման համակարգի եւ Ձորագյուղ-Վարդաձոր ոռոգման ջրանցքի կառուցման ծրագրի պայմանագրային արժեքը կազմում է 140 միլիոն 295 հազար 862 դրամ, որի 75 տոկոսը հատկացրել է ՀՀ կառավարությունը, 25 տոկոսը՝ Մարտունու համայնքապետարանը:

Ծրագրով նախատեսված է ոռոգման համակարգի կառուցում 10, 14, 16, 26, 27, 35, 41 -րդ եւ Ալաշկերտի փողոցներում ու մայր առվի վրա՝ 6010 մետր ընդհանուր երկարությամբ: 1700 մետր երկարությամբ էլ կառուցվել է Ձորագյուղ-Վարդաձոր ոռոգման ջրանցքը:

Ոռոգման համակարգի եւ ջրանցքի շինարարական աշխատանքները մեկնարկել են 2024 թվականի սեպտեմբերից եւ 2025 թվականի հուլիսի 24-ի դրությամբ արդեն ավարտվել են:

Ծրագրի շահառու են հանդիսանում Վարդաձոր գյուղի բոլոր տնտեսությունները, որոնց այս տարվանից ոռոգման ջուրը մատակարարվում է ժամանակին եւ անկողուստ:

Այցի 9-րդ կանգառը Վարդաձորի մշակույթի տան բակի շինհրապարակում էր, որտեղ ՀՀ կառավարու-

թյան կողմից 2024 թվականին իրականացվող սուբվենյոն ծրագրերի շրջանակներում ընթանում են բակային տարածքի բարեկարգման աշխատանքները:

Վարդաձորի մշակույթի տան բակի բարեկարգման ծրագրի պայմանագրային արժեքը կազմում է 37 միլիոն 968 հազար դրամ, որի 65 տոկոսը հատկացնում է ՀՀ կառավարությունը, 35 տոկոսը՝ Մարտունու համայնքապետարանը:

Ծրագրով նախատեսվում է տարածքի կանաչապատում, եզրաքարերի տեղադրում, ասֆալտապատում 820 քմ տարածքով, սալիկապատում՝ 162 քմ մակերեսով ու հենապատերի կառուցում 108 մետր երկարությամբ, Ալաշկերտի եւ 10-րդ փողոցների հատվածներում, հենապատերի ցանկապատում:

Շինարարական աշխատանքները մեկնարկել են 2024 թվականի նոյեմբերին եւ 2025 թվականի հուլիսի 24-ի դրությամբ իրականացվել շուրջ 85 տոկոսով: Շինարարությունը նախատեսված է ավարտել այս տարվա ընթացքում:

Այցի 10-րդ կանգառը Ձորագյուղի խմելու ջրատարի կառուցման շինհրապարակում էր, որտեղ ՀՀ կառավարության կողմից 2024 թվականին իրականացվող սուբվենյոն ծրագրերի շրջանակներում ընթանում են շինարարական աշխատանքները:

Ձորագյուղի խմելու ջրատարի ներքին ցանցի եւ աղբյուրակապերի կառուցման ծրագրի պայմանագրային արժեքը կազմում է 133 միլիոն 734 հազար դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Մարտունու համայնքապետարանը:

Ծրագրով նախատեսված է 10 կիլոմետր 315 մետր խմելու ջրատարի ներքին ցանցի եւ 3 աղբյուրակապի կառուցում: Աղբյուրակապերը կառուցվում են «Բոբբո» աղբյուրի ակունքներում:

Շինարարական աշխատանքները մեկնարկել են 2024 թվականի սեպտեմբերին եւ կավարտվեն 2025 թվականին: Կառուցվում է նաեւ բաշխիչ ցանց՝ 260 տնային միացմամբ:

2025 թվականի հուլիսի 30-ի դրությամբ շինարարական աշխատանքներն իրականացվել են շուրջ 45 տոկոսով:

Ծրագրի իրականացման արդյունքում 260 տնտեսություն Ձորագյուղում կունենան շուրջօրյա ու որակյալ ջրամատակարարում:

Այցի 11-րդ կանգառը Ձորագյուղի ոռոգման ջրատարի կառուցման շինհրապարակում էր, որտեղ ՀՀ կառավարության կողմից 2024 թվականին իրականացվող սուբվենյոն ծրագրերի շրջանակներում ընթանում են շինարարական աշխատանքները:

Ձորագյուղի ոռոգման ջրատարի ներքին ցանցի կառուցման ծրագրի պայմանագրային արժեքը կազմում է 104 միլիոն 212 հազար դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Մարտունու համայնքապետարանը:


Ծրագրով նախատեսված է Ձորագյուղի 8 փողոցում ոռոգման ցանցի կառուցում, որոնցից երկու փողոցում կառուցված ջրատարները միաժամանակ ծառայելու են որպես հեղեղատարներ: Ոռոգման ներքին ցանցը կառուցվում է երկաթե կիսախողովակներով՝ 2090 մետր ընդհանուր երկարությամբ:

Շինարարական աշխատանքները սկսվել են 2024 թվականի հուլիսից եւ 2025 թվականի հուլիսի 23-ի դրությամբ իրականացվել շուրջ 90 տոկոսով:

Ծրագրի իրականացման արդյունքում Ձորագյուղի տնտեսություններին ոռոգման ջուրը կմատակարարվի ժամանակին եւ անկողուստ:

Մարզպետ Կարեն Սարգսյանը շրջեց շինհրապարակներում, գրուցեց շինարարների հետ, նկատված թերությունների շուրջ արեց դիտողություններ եւ առաջարկություններ դրանց շտկման ուղղությամբ տալով համապատասխան հանձնարարականներ:

«Գեղամա աշխարհ»



ԳԵՂԱՐՔՈՒՆԻՔԻ ՄԱՐԶՊԵՏ ԿԱՐԵՆ ՍԱՐԳՍՅԱՆԸ ԱՅՑԵԼԵՑ ԵՐԱՆՈՍ ԳՅՈՒՂԻ ՀԻՄՆԱՆՈՐՈՎՎԱԾ ՈՒ ՆՈՐԱՐՔԱՅ ՄԱՆԿԱՊԱՐՏԵԶ

Հուլիսի 23-ին Գեղարքունիքի մարզպետ Կարեն Սարգսյանը Մարտունի համայնքի ղեկավար Հովհաննես Հովեյանի հետ այցելեց Երանոս գյուղի հիմնանորոգված ու նորաբաց մանկապարտեզ:

Նրանց ուղեկցում էին Երանոսի վարչական ղեկավար Սաշա Բավեյանը, Գեղարքունիքի մարզպետի եւ Մարտունու համայնքապետարանի աշխատակազմերի քաղաքաշինության ոլորտի պատասխանատուներ:

Գեղարքունիքի մարզի Մարտունի համայնքի Երանոս գյուղի մանկապարտեզը հիմնանորոգվել է ՀՀ կառավարության կողմից՝ իրականացվող սուբվենցիոն ծրագրերի շրջանակներում, 2019-2024 թվականների ընթացքում:

Երանոսի մանկապարտեզի հիմնանորոգման ծրագրի մեկնարկը տրվել է 2019 թվականից եւ ընթացել մի քանի փուլերով: 2019-2024 թվականների ընթացքում մանկապարտեզի հիմնանորոգման ու կահավորման նպատակով ծախսված ընդհանուր գումարը կազմում է



267,1 միլիոն դրամ:

2024 թվականի հոկտեմբերին, ծրագրի վերջին փուլով իրականացվել են մանկապարտեզի շենքի բակային հատվածի հիմնանորոգման, բարեկարգման եւ խաղարանների տեղադրման աշխատանքներ: Ծրագրի պայմանագրային արժեքը կազմում է 78 միլիոն 387 հազար դրամ, որի 75 տոկոսը հատկացրել է ՀՀ կառավարությունը, 25 տոկոսը՝ Մարտունու համայնքապետարանը: Նույն ծրագրի շրջանակներում մանկապարտեզի կարիքների համար ձեռք է բերվել գույք, իսկ 2025 թվականի մայիսից արդի չափորոշիչներին համապատասխանող Երանոսի մանկապարտեզն իր դռներն է բացել 90 սաների առջև: Առաջիկայում այստեղ կբացվի եւս մեկ խումբ՝ 30 սանի համար:

Մարզպետը շրջայց կատարեց մանկապարտեզում, զրուցեց աշխատակիցների եւ սաների հետ՝ շնորհավորելով նրանց արդի չափորոշիչներին համապատասխան մանկապարտեզի գործարկման առիթով:

ՄՇՏԱԴԻՏԱՐԿՈՒՄ՝ ԵՐԱՆՈՍԻ ԹԻՎ 2 ՄԻՋՆԱԿԱՐԳ ԴՊՐՈՑԻ ՆՈՐ ԿԱՌՈՒՅՎՈՂ ՇԵՆՔԻ ՇԻՆՀԱՊԱՐԱԿՈՒՄ



Հուլիսի 23-ին Գեղարքունիքի մարզպետ Կարեն Սարգսյանը Մարտունի համայնքի ղեկավար Հովհաննես Հովեյանի հետ մշտադիտարկում անցկացրեց Երանոս գյուղի թիվ 2 միջնակարգ դպրոցի շենքի շինարարական, որտեղ շինարարական աշխատանքներն ընթանում են 2025 թվականի ապրիլից, «Հայաստանի տարածքային զարգացման հիմնադրամի» պատվիրատվությամբ:

Ծրագրի պայմանագրային արժեքը կազմում է 2 միլիարդ 490 միլիոն 813 հազար դրամ: Նոր դպրոցական շենքը կառուցվում է ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում: Դպրոցական նոր շենքը կառուցվում է հին դպրոցի տեղում: 2025

թվականի հուլիսի 23-ի դրությամբ արդեն ավարտվել են հին շենքի քանդման աշխատանքները եւ ընթանում է նկուղային հարկի կառուցումը:

288 տեղանոց նոր դպրոցը նախագծով լինելու է երկհարկ եւ եռահարկ կառույց, 4 մասնաշենքով, 8900 քառակուսի մետր ընդհանուր մակերեսով: Երկու մասնաշենքերը լինելու են եռահարկ, 1-ը՝ երկհարկ, իսկ 1 մասնաշենքը լինելու է մարզադահլիճը: Երանոսի թիվ 2 միջնակարգ դպրոցի դասաժամերը կազմակերպվում են Երանոսի թիվ 1 միջնակարգ դպրոցի շենքում:

Մարզպետ Կարեն Սարգսյանը շրջեց կառույցում, զրուցեց շինարարների հետ, նկատված թերությունների շուրջ արեց դիտողություններ եւ առաջարկություններ՝ դրանց շտկման ուղղությամբ տալով համապատասխան հանձնարարականներ:

ՍԵՎԱՆԻ ԵՐԱԺՇՏԱԿԱՆ ԴՊՐՈՑԻ ՏԱՆԻՔԻՆ ԱՐԵՎԱՅԻՆ ՖՈՏՈՎՈԼՏԱՅԻՆ ԿԱՅԱՆ Է ՏԵՂԱԴՐՎԵԼ

«Հայաստան» համահայկական հիմնադրամի՝ Ֆրանսիայի, Բրազիլիայի եւ Արգենտինայի տեղական մարմինների ֆինանսավորման շնորհիվ Գեղարքունիքի մարզի Սեւան քաղաքի նորակառույց ու մեկ շաբաթ առաջ շահագործման հանձնված երաժշտական դպրոցի տանիքին տեղադրվել է արեւային ֆոտովոլտային կայան:

Կայանն ունենալու է 20 կիլովատտ ժամ հզորություն, որը,

հաստատության էներգետիկ կարիքները հոգալուց բացի, կծեւափորի նաեւ խնայողություններ:

Օրեր առաջ պաշտոնապես բացվեց Սեւանի Վ. Սարգսյանի անվան երաժշտական դպրոցի նոր կառուցված շենքը, որն իր ֆիզիկական հնարավորություններով եւ հարմարավետությամբ, կահավորմամբ, երաժշտական գործիքների հագեցվածությամբ նոր շունչ ու թարմություն է հաղորդելու Սեւանի մշակութային կյանքին՝ սեւանցիների տասնամյակների երազանքը՝ դարձնելով իրականություն: Էներգախնայողությանն ու էներգաարդյունավետությանը միտված այս հիմնարար քայլն ամբողջացնում է արդեն իսկ իրականացված աշխատանքները, որն սպասված էր ու անհրաժեշտ:

Արմինե
Ղուկասյան



ՆԱԶԵՆԻ ԼԻՃԸ

Գեղամա լեռնավահանի հարավային թեւում, ծովի մակերեսից մոտ 3100 մետր բարձրության վրա, Գեղարքունիքի մարզի Սարուխան գյուղից շուրջ 20 կիլոմետր հեռավորության վրա ծփում է Նազենի անունը կրող լիճը:

Բարձրաբերձ լեռների գոգավորության մեջ սքանչելի պատկեր է սփռում այս լիճը շրջապատով մեկ:

Նրանից երկու տեղով սկիզբ են առնում երկու գետակներ, որոնք ձեւավորում են Գավառագետը՝ վերին հոսանքներում:

Թեւեւ հուլիս ամիսը կիսվել է, սակայն Նազենի լիճը շարունակում է սնվել իր շրջակա բարձունքների ձնհալի ջրերից: Ավելին, նրա հատակից բխում ու ցայտում են աղբյուրները: Նազենին զուլալ է ու սառնորակ, արեւի ցուլերի տակ բազմազույն տեսք առած:

Ափից տաս-քսան մետր հեռավորությամբ արդեն այն խորանում է մի քանի մետրով, իսկ, ըստ կատարված ուսումնասիրությունների, կենտրոնական հատվածներում այն ունի մինչեւ երեսուն մետր խորություն:

Լիճը զբաղեցնում է ավելի քան հինգ հեկ-



տար տարածք:

Այն գտնվում է Սպիտակասար լեռան արեւմտյան կողմում:

Նազենիի հյուսիսային կողմում կան հինգ փոքր լճակներ, որոնք դեռ ցամաքած չէին ամռան կեսին ու իրենց հերթին առանձնակի շուք էին հաղորդում լեռների ու լճի համայնապատկերին:

Եվ այդ զուլալ, սառնորակ ու անապական ջրին հաղորդվելու երջանիկ բախտն ունեցա, մի կարճ ժամանակ լող տալով Նազենիի սրտի ու հոգու դիցական տիրույթներում:

Խոսրով Խլղաթյան

ԱՆԱԿՆԱԿԱԼ ՀԱՆԻԻՊՈՒՄ ԼԵՌՆԵՐՈՒՄ, ՀԱՊՐԱՅԻ ՏԱԿՈՒՅԱՄԱՅԻ ՀԵՏ

Մայրամուտի ժամին հնասերներ ու արշավորդներ թաթուլ Տոնոյանի եւ Սեւակ Արեւշատյանի հետ գտնվում էինք հեռավոր լեռների գրկում, Գեղարքունիքի եւ Արարատի մարզերի սահմանաբաժան գոտում, հանքային ջրաղբյուրի կողքին:

Լեռներում երկար թափառելուց հետո ձմերուկով, հաց ու պանրով ու խաշած ձկով մեր քաղցն էինք հագեցնում, վայելում սառնորակ աղբյուրի հրաշալի, թթվահամ ջուրը, երբ քիչ հեռվում նկատեցինք դեպի ջրաղբյուր քայլող միայնակ մարդու:

Նույնիսկ տարակուսեցինք, որ այդ ժամին միայնակ մարդը ոտքով, առանց մեքենայի կարող է հայտնվել այս անալի, անմարդաբնակ վայրում:

Առավել մեծ եղավ մեր զարմանքը, երբ մեզ դեմ դիմաց կանգնեց ճապոնական արտաքինով մի տղամարդ՝ ճամփորդական ուսապարկով:

Նա ժպիտով ողջունեց մեզ ու գրույցի բռնվեց Սեւակ Արեւշատյանի հետ, քանի որ երեքիս մեջ նա էր միայն անգլերեն լեզուն քչե-շատե հասկացող:

Ճապոնացին Սեւակին հասկացրեց, որ իր անունը Տակույա է, ազգանունը՝ Ասաս, ինքն ապրում է Տոկիոյում, իսկ հիմա քայլում է Հայաստանի լեռներով:



Ճապոնացին հավելեց, որ քայլարշավը սկսել է Մեղրիից, Սյունիքի ու Վայոց ձորի լեռներով հասել մինչեւ Գեղամա լեռներ ու լեռնային կածաններով պիտի գնա մինչեւ Սեւանա լիճ:

Տակույան քաղցած էր ու սիրով ընդունեց մեր հյուրասիրությունը: Կարճ գրույցի ընթացքում նա հասկացրեց, որ տապալորված է ոչ միայն Հայաստանի բնությամբ, այլ նաեւ նրա սրտաբաց ու հյուրասեր մարդկանցով, գեղեցիկ լեռներով ու սառնորակ աղբյուրներով:

Ու մթնշաղից քիչ առաջ մենք սրտաբաց հրաժեշտ տվեցինք մեր անակնկալ հյուրին, ով քիչ անց պիտի միայնակ վայելեր Հայաստանի լեռների խորհրդավոր գիշերը եւ լուսաբացին դիմավորեր նույնքան խորհրդավոր, հրավառ արեւածագը:

Մեզ համար էլ հուլիսյան այդ օրը եղավ խորհրդավոր. այդ կուսական լեռների մեջ ինձ հետորդ դարով թվագրվող մի քանի գեղաբանական խաչքարեր տեսանք, քարափի մեջ՝ գայլի ձագ, սառնորակ ու հանքային աղբյուրի կողքին՝ քայլարշավորդ ճապոնացի:

Խոսրով Խլղաթյան

/սկիզբը՝ էջ 1-ում/

Իհարկե, մինչ այս մենք ժայռապատկերներ տեսել ենք Սպիտակասարի արևելյան կողմում, Սեւսար Լեռան փեշին, Վարդենիսի լեռներում, ուստի կարող էինք այս ամենը չհամարել նորություն, եթե չլինեին այս ժայռապատկերների բազմաքանակությունն ու բազմազանությունը:

Այո, մեր տեսածը ժայռապատկերների մի ամբողջ զրադարան էր կամ մատենադարան, որտեղ գրեթե ամեն մի ործաքար մի բաց գրքի տեսքով փայլատակում էր մեր աչքերի առաջ: Առաջին հայացքից պարզունակ թվացող այդ պատկերները, իրականում, գաղտնագրեր են, պատկերագրեր, պատմություն անցյալ կամ արդեն ապրած կյանքի մասին, տիեզերական առեղծվածների մասին, մարդու հոգեկերտվածքի ու փայլատակող մտքի մասին:

Գեղամա լեռների ժայռապատկերների մասին բավականին հարուստ գրականություն է ստեղծված, առանձին ուսումնասիրողների կողմից տրված են գիտական համոզիչ փաստեր ու բացատրություններ



դրանց ստեղծման նախադրյալների, ժամանակաշրջանների, բովանդակության, պատմահնագիտական ու պատմամշակութային նշանակության մասին:

Առավել ընդգրկուն ուսումնասիրություն է կատարել այս ուղղությամբ Հարություն Մարտիրոսյանը՝ հեղինակելով «Գեղամա լեռների ժայռապատկերները» կոթողային աշխատությունը:

Այդուհանդերձ, անհիշելի ժամանակներից պահպանված ու մեզ հասած այդ ժայռապատկերները, որոնք համարվում են նախնադարյան մարդկանց կողմից արված առաջին քայլերը արվեստի կամ պատկերագրի բնագավառում, շարունակում են մնալ առեղծվածային ու զարմանահրաշ կոթողներ՝ սփռված մեր բարձրադիր ու չքնաղ լեռների լանջերին, մեծ տարածքներ ընդգրկող քարափների տիրույթներում: Ընդ որում, խոսքը չի գնում մի քանի հարյուր ժայռապատկերի մասին: Ինչպես վկայում են գիտական ուսումնասիրությունները, միայն Գեղամա լեռներում հայտնաբերված ժայռապատկերները հասնում են 12 հազարի, որոնք աչքի են ընկնում պատ-



կերների առատությամբ, ժամանակագրական լայն ընդգրկումով, պատմական նշանակությամբ, արվեստի ոճերի բազմազանությամբ:

Գեղամա լեռները հարուստ են ոչ միայն գետերով ու լճակներով, այլև փարթամ բուսականությամբ, կենդանական աշխարհով, այլ նաեւ բազալտ քարերով, որոնք էլ նախնադարյան նկարիչների համար դարձել են հարմարավետ այնպիսի կտավներ, որոնք հազարամյակներ շարունակ դիմացել են ամռան տապին ու ձմռան դաժան ցրտերին, հողմերին ու հեղեղներին, բնության մյուս տարերքներին՝ մնալով գրավոր ու խոսուն վկաները մեր ամենահեռավոր նախնիների վարած կյանքի, հավատալիքների, պաշտամունքի, զբաղմունքի, գեղագիտական ճաշակի, կենսասիրության ու շնորհների:

Ժայռապատկերների այժմ հայտնի հիմնական խմբերը տարածվում են Գեղամա լեռնաշղթայի լեռնագագաթների մոտ, 120-130 քառակուսի կիլոմետր ընդհանուր տարածության եւ 2000-3000 մետր բարձրության վրա, բնական գոգավորությունների մեջ, քամուց պաշտպանված ու աղբյուրների մոտ գտնվող հրաբխային քարակարկառներում:

Գեղամա լեռների ժայռապատկերները, որոնք վերաբերում են նեոլիթյան ժամանակաշրջանին, փորագրված են երբեմն հսկայական չափերի հասնող ործաքարե ժայռաբեկորների, մեծ մասամբ մետաղական փայլով մակերեսներին՝ ձեռքի քարե թակիչների եւ կտրիչների օգնությամբ, կետհարվածային եւ գծախեղձային եղանակներով: Ժայռապատկերների մեջ աչքի է ընկնում վայրի կենդանիների բազմազանությունը, որտեղ նշմարվում են ինչպես այժմ Հայաստանում գոյություն չունեցող, այնպես էլ մինչ օրս Գեղամա լեռներում ապրող կենդանիների պատկերները: Կենդանիներն ու թռչունները, ինչպես եւ մարդկային ֆիգուրները, երկնային մարմինները, տարատեսակ առարկաներն ու աստվածային կերպարները պատկերված են թե՛ առանձին եւ թե՛ խմբերով:

Ժայռապատկերները գաղափար են տալիս ոչ միայն տեղական համայնքների գոյատեւման ու զարգացման հիմնական նախապայմանների՝ կենդանական աշխարհի հարստության, բազմազանության մասին, այլեւ ժամանակի տնտեսական զբաղմունքների՝ որսորդության, անասունների վայրի տեսակների ընտելացման ու բուծման պայմանների մասին: Ժայռապատկերներում զգալի տեղ են բռնում որսորդական ու անասնապահական ծեսերն ու արարողությունները, որոնցից անբաժան է հայկական հռչակավոր շունը՝ զամփռը:

Գեղամա լեռների պատկերների մեջ աչքի են զարնում վայրի կենդանիների ամենատարբեր տեսակների, նրանց մեծ ու փոքր խմբերի ահռելի քանակն ու բազմազանությունը: Հստակորեն նշմարվում են ինչպես չորրորդական ժամանակներից պահպանված, այժմ Հայաստանում գոյություն չունեցող, այնպես էլ մեր օրերին բնորոշ կենդանիների պատկերներ: Դրանք են զուբրը, վայրի ցուլը, կովկասյան ագնիվ եղջերուն, առյուծը՝ հեպարդը, իշաթամը, կիտարները, ընտելացված ու վայրի ձիերը, աղվեսն ու գայլը, շների շատ տարատեսակներ, վարազը, լուսանը, ընձառյուծը, նապաստակն ու մանր կենդանիների վատ որոշվող մի քանի տեսակները, սողունների զանազան տիպերը, վերջապես՝ բադը, սագը, արագիլը, կարապը, կաքավը: Այս կենդանիներից շատերը այժմ էլ շարունակում են ապրել Գեղամա լեռներում:

Բազմաթիվ ուրիշ ժայռապատկերներում հանդես են գալիս կենդանիների շրջափակման կամ որսորդական այլ գործողությունների կապակցված տեսարաններ՝ կենդանիների բազմաթիվ պատկերներով: Նման կոմպոզիցիաներից մեկը պատկերում է եղջերուների ու այծերի սլացիկ մի խումբ շուրջանակի հետապնդող որսորդների ու դիմացից հարձակվող շների օղակի մեջ: Բոլոր կենդանի արարածներն այստեղ ներկայացված են արտահայտիչ դիմամիկայի, բուռն գործողության, բնորոշ շարժումների մեջ:

Հսկա ժայռապատկերներից մեկը իր չորս քառակուսի մետր տարածությամբ լցված է բեզո-



արյան այծերի 24 ավարտուն եւ մի քանի անավարտ պատկերներով, որոնք ուղղված են ձախից աջ: Դրանց դիմաց կանգնած կապկաված ներին եւ մի ուրիշ այծ կարծես փակում են արածող հոտի ճամփան ու ավարտում կոմպոզիցիան: Հովիվը կանգնած է անասունների ետևում, զամփռ շան հետ միասին եւ ձեռքերի շարժումներով կարծես հավաքում է հոտը:

Ու այսպես անվերջ կարելի է թվարկել եւ վերծանել այս քարաբեկորների վրա արված պատկերները, որոնցից յուրաքանչյուրը մի առանձին արժեք է, հմայող տիրույթ:

Անառարկելի է, որ այս քանակության ժայռապատկերները չէին կարող կերտվել մեկ, անգամ տասնյակ տարիների մեջ, մեկ կամ մի քանի վարպետների կողմից: Ժայռապատկերային արվեստը հայկական լեռնաշխարհում անցել է հազարամյակների ճանապարհ՝ սերնդեսերունդ փոխանցվելով, կատարելագործվելով ու հարատեւելով եւ ծնունդ տալով գրային համակարգերին: Ու չեն սխալվում նրանք, ովքեր



այս ժայռապատկերների մեջ նկատում են հայկական գրի սաղմերը:

Այս վայրը, հիրավի, ոչ միայն բաց երկնքի տակ փռված անվերջանալի, գաղտնախորհուրդ թանգարան է, այլ նաեւ թաքնված սրբավայր, որտեղ ամփոփված է հայ ժողովրդի հանճարի, կենսասիրության առասպելական պատմությունը, որտեղ հոգով ու սրտով պիտի ուխտի, աղթելու եւ խոնարհվելու գա ամեն մի հայ:

Մեր հոգու պարտքը կատարած ուխտավորների պես էլ Պայտասարի ժայռապատկերային բացօթյա թանգարանից ուղղություն ենք վերցնում դեպի Սպիտակասարի գագաթ:

Խոսքով Խլղաթյան

ԸՆԹԱՆՈՒՄ ԵՆ ՍԵՎԱՆ-ՄԱՐՏՈՒՆԻ-ԳԵՏԱՓ ՄԻՋՊԵՏԱԿԱՆ ՀԱՆՐԱՊԱՐՀԻ 1.5 ԿԻԼՈՄԵՏՐԱՆՈՑ ՀԱՏՎԱԾԻ ԿԱՌՈՒՑՄԱՆ ԱՇԽԱՏԱՆՔՆԵՐԸ

Գեղարքունիքի մարզի Մարտունի համայնքի Գեղ-հովիտ գյուղի վարչական տարածքում արդեն մեկ ամիս է, ինչ սկսվել է ընթանում են Սեւան-Մարտունի-Գետափ միջպետական նշանակության ճանապարհի 1,5 կիլոմետրանոց հատվածի կառուցման աշխատանքները:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, Սեւան-Մարտունի-Գետափ միջպետական նշանակության ճանապարհի 1,5 կիլոմետրանոց հատվածի կառուցման ծրագրի նախահաշվային արժեքը կազմում է 492 միլիոն դրամ, պայմանագրային արժեքը՝ 388 միլիոն 800 հազար դրամ:

Ծրագրով նախատեսված է նոր ճանապարհի կառուցում 1,5 կիլոմետր երկարությամբ ու 14 հազար քառակուսի մետր մակերեսով՝ հողային հարթեցման, խճավազային հիմքի, ավազակոպձային շերտի, եռաշերտ ասֆալտբետոնյա ծածկի, ջրահեռացման համակարգի տեղադրման աշխատանքների տեսքով: Շինարարական աշխատանքներն իրականացնում է «ՎՎԿ ՔՈՍՓՆԻ» ՍՊԸ-ն:



2025 թվականի հուլիսի 23-ի դրությամբ արդեն իրականացվել են հողային հարթեցման, ջրահեռացման համար նախատեսված մետաղական խողովակների, ավազակոպձային շերտի եւ խճավազային

հիմքի տեղադրման աշխատանքները: Ծանապարհը նախապատրաստվում է եռաշերտ ասֆալտապատման: Ձուգահեռ իրականացվում են նաեւ կողային առուների տեղադրման աշխատանքները: Շինաշխատանքները կավարտվեն առաջիկա 1 ամսվա ընթացքում:

Սեւան-Մարտունի-Գետափ ճանապարհի այս հատվածում նոր ճանապարհի կառուցումը չափազանց անհրաժեշտ ու կարևոր խնդիր է լուծում, քանի որ արդեն հին ճանապարհահատվածում ձմռան ամիսներին ձյան կուտակումները խանգարում էին ճանապարհատրանսպորտային երթևեկության նորմալ սպասարկմանը՝ մաքրման աշխատանքների համար ավելորդ ժամանակ, միջոցներ ու ջանքեր խլելով սպասարկողներից: Նոր ճանապարհահատվածի շահագործման դեպքում արդեն այդ խնդիրները հիմնովին կարգավորված կլինեն, հավաստեցին Գեղարքունիքի մարզպետի աշխատակազմից:

Ծրագիրն ամբողջությամբ իրականացվում է պետբյուջեի միջոցներով:

«Գեղամա աշխարհ»

ԹԱՔՆՎԱԾ ԽԱՉՔԱՐԵՐԻ ԵՎ ԼՔՎԱԾ ԳՅՈՒՂԵՐԻ ՀԵՏՔԵՐՈՎ



Գեղարքունիքի եւ Արարատի մարզերի սահմանաքաժան գոտում, Մարտունի համայնքի վարչական տարածքում, Գեղամա լեռնավահանի հարավարեւելյան մասում, Մարտունի քաղաքից շուրջ 30 կիլոմետր դեպի հարավ-արեւմուտք գտնվում է մի լքված բնակավայր, որը 1949 թվականից ի վեր ամառային արոտավայր է ծառայում Զոլաքարի ու Լիճքի տնտեսությունների համար:

Իսկ նրա բնակիչները, որոնք այստեղ հաստատվել են Մեծ Եղեռնից հետո, Արեւմտյան Հայաստանի Մշո գավառի Թեղուտ գյուղից, 1918-1919 թվականներին, մոտ երեք տասնամյակ անց ՀԽՍՀ կառավարության որոշմամբ բնակության են տեղափոխվել Արարատյան դաշտավայր:

Այս բնակավայրը, որը կրում է Սառնաղբյուր անունը, այժմ շատ ավելի ավեր, քան թե շեն վիճակում է, քանի որ անասնապահությամբ զբաղվողների թիվը վերջին տասնամյակների ընթացքում կտրուկ կրճատվել է Զոլաքարում ու Լիճքում, իսկ սարվորների լքված տները փլուզված կամ կիսականգուն վիճակում են:

Մեզ դիմավորող Սեւադա Ավետյանը, որ համարվում է Մարտունի համայնքի Զոլաքար գյուղի բնակիչ, ծնվել է հենց

Երկրորդ գեղաքանդակ խաչքարը, դարձյալ իններորդ դարում պատրաստված, գտնվում է Սառնաղբյուրից մի քանի կիլոմետր արեւմուտք, «Քյավառի յայլա» կոչվող վայրում, 9-10-րդ դարերում թվագրվող եկեղեցու ավերակների մեջ:

Այս խաչքարը եւս ուրույն կերտվածք ունի, գրավիչ զարդանախշեր:

Ներքեւի մասից թեւեւ այն կոտրված է, սակայն հարավային պատին հենված վիճակում կազմում է մեկ ամբողջություն:

Եկեղեցու ավերակներից մի քանի մետր այն կողմ կա բրոնզեդարյան դամբարան, սակայն բացված ու թալանված վիճակում:

Երրորդ խաչքարը Սեւադան մեզ ցույց տվեց Սառնաղբյուրի արեւելյան թեւում կիսավեր անասնագոմի արեւմտյան պատին հենած: Այն թեւեւ չափսերով փոքր է, սակայն երեւելի է իր տեսքով, պատրաստման շատ վաղ թվականով:

Սառնաղբյուրի արեւելյան թեւում, ուղիղ ճանապարհագրին, տարածվում է 20-րդ դարի 1920-1948 թվականների գերեզմանոցը, ուր ամփոփված են Մեծ Եղեռնից մազապուրծ ու այս հողի վրա նոր հայրենիք գտած մշեցի հայ ընտանիքների անդամների աճյունները: Բոլոր չիրաքարերը կրում են մահացածների անուն-ազգանունները, ծննդյան ու մահվան ստույգ թվականները, խաչի քանդակներ:

Նրանցից եւ ոչ մեկի հարազատները հիմա չեն բնակվում այստեղ, այս շիրիմներին մոտիկ, սակայն, ինչպես վկայում է Սեւադան, այստեղ ամփոփված հանգուցյալների հարազատները իր ցումանք հաճախակի այցելում են իրենց ծնողների կամ պապերի ու տատերի շիրիմներին, գյուղից առնում իրենց պապերի կարտոն:

Սեւադան վկայում է, որ Սառնաղբյուրը ժամանակին եղել է այս տարածքի ամենաշեն, ամենահարուստ գյուղերից մեկը, որի տնտեսություններն ունեցել են մեծ քանակության անասուններ, մշակվող մեծ հողատարածքներ ու գյուղմթերքների բավականաչափ առատություն:

-Ծնողներս ասում էին, որ հենց այս գյուղում են սովի տարիներին մի բուռ գարին փոխանակել մի բուռ ոսկու հետ: Բացի այդ, այս գյուղի տարածքում ժամանակին մաշե քրդեր են բնակվել, որոնք տարբեր առիթներով հաճախակի բախումներ են հրահրել հայ բնակչությանը: Այս գյուղը դարձել է ունեցել, ակունք-գրադարանի շենք, որոնցից միայն ավերակներն են հիմա մնացել:

Անգամ պահպանված մի քանի հղկված քարերից կարելի է եզրակացնել, որ այդ շենքերը գեղեցիկ, ծարտաբաշտական տեսք ունեին: Ես այդ շենքերը հիշում եմ կանգուն վիճակում, այստեղ է Սեւադան:

Այսքանով էլ կարելի է եզրակացնել, որ այս բնակավայրը գործել է անհիշելի ժամանակներից, ուր մարդիկ կարողացել են թողնել պատմամշակութային որոշակի ժառանգություն ու հայկականության անջնջելի հետքեր:

Մի այլ տիպի վիճակագրություն է բերում Սեւադան Սառնաղբյուրի անցած ու ներկա օրերի համեմատության մասին, որը հնչում է ավելի ցավազին, ավելի մտահոգիչ:

-Խորհրդային Միության փլուզումից առաջ Զոլաքարից Սառնաղբյուրում



ամառային արոտավայր եկող ընտանիքները, սովխողի անասնազխաքանակի հետ միասին, պահում էին մինչեւ 1200 խոշոր, 1000-ից ավել մանր եղջերավոր անասուններ: Լիճքի տնտեսությունների թվերին թեպետ չեն տիրապետում, սակայն նրանք էլ հազարին հասնող կամ ավել անասնազխաքանակ էին բերում այստեղ: Մինչդեռ հիմա խոշորի թիվը հազիվ անցնում է 40-ը, իսկ մանրի զխաքանակն իսպառ բացակայում է, ընդամենը մի քանի տնտեսություն է ամռանը գալիս Սառնաղբյուր, անասնակերի բերքահավաքի ծավալներն անասելի կրճատված են, արոտավայրերն ու խոտհարքերն օգտագործվում են ոչ լիարժեք, ամփոփում է Սեւադան:

Քայլում ենք Սառնաղբյուրի նեղիկ, ոլոր-մոլոր փողոցներով, որտեղ մի ժամանակ եռացել է կյանքը, սակայն այժմ դրանք պատված են կանաչ կամ կիսաչոր մոլախոտերով, փշերով ու խոփվեցողով: Կիսաքանդ վիճակում կամ դեռ կանգուն, սակայն դռներին կողպեքներ կրող տները մեզ վրա թողնում են հերթական ճնշող տպավորությունը:

Սառնաղբյուրի հարավային եզրին, ջրաղացների մոտ, ժայռի կրծքից բխող աղբյուրի կողքին Զոլաքար գյուղի բնակիչ, այս պահին ՌԴ Նիժնի Նովգորոդում ապրող Արայիկ Ռազմիկի Գրիգորյանը ժամանակակից տուն է կառուցել արեւային ֆոտովոլային կայանով: Բնության այս սքանչելի անկյուն-

տեղիներ, ժայռաքանդակներ: Բազմաթիվ են սառնորակ աղբյուրները, ժայռախմբերը, սարավանդներն ու լեռնագագաթները, ձորերը, բլուրները:

Այս հատվածներից են գոյանում Արգիճի գետի ոլորանները, որոնք իսկապական սարահարթի վրա նմանվում են գալարվող, առաջ սլացող, ամեհի ու ահեղի չափերի վիշապօձի:

Գուցե թե Արայիկ Գրիգորյանի քայլը օրինակ ծառայի մյուսներին Սառնաղբյուրին նոր կյանք ու շունչ տալու համար, գուցե թե մի գեղեցիկ օր մեր երկիրն ընթանա մեր լքված բնակավայրերը վերաբնակեցնելու ճանապարհով:

Հեռավոր դարերից մեզ հասած, հազար ու մի արհավիրքից փրկված ու մեր հոգեբուխ աղոթքներն ընդունող այս խաչքարերը մեզից այդ են պահանջում շենացնել ու մարդաշատությամբ լցնել Հայոց աշխարհը, այլ ոչ թե քայլել ավերակների տխուր, հոգեցուցիչ պատկերների ու դաժան իրականության միջով, անայության անվերջանալի արահետներով:

Խոսքով Խլաքյան



Սառնաղբյուրում, հեռավոր 1965 թվականին, Զոլաքար գյուղի սարվոր մարդկանց ընտանիքում ու մինչ օրս, ամառային ու աշնանային ամիսներին անբաժան է իր ծննդավայրից:

Նա գիտի Սառնաղբյուրի ամեն մի անկյունը ու մեզ սիրով առաջնորդում է դեպի հին ջրաղացներ, բուխարիկով ջեռուցվող հին տներ, եկեղեցու ու մատուռի ավերակների մեջ պատսպարված խաչքարեր:

Դրանցից առաջինը գտնվում է Սառնաղբյուրի հարավարեւմտյան կողմում, մատուռի ավերակի մեջ: Այն իր պատրաստման ոճով իններորդ դարի կոթող է, գեղաքանդակ, խաղողի ողկույզներով ու այլ զարդանախշերով:

մաշեն, ամենահարուստ գյուղերից մեկը, որի տնտեսություններն ունեցել են մեծ քանակության անասուններ, մշակվող մեծ հողատարածքներ ու գյուղմթերքների բավականաչափ առատություն:

-Ծնողներս ասում էին, որ հենց այս գյուղում են սովի տարիներին մի բուռ գարին փոխանակել մի բուռ ոսկու հետ: Բացի այդ, այս գյուղի տարածքում ժամանակին մաշե քրդեր են բնակվել, որոնք տարբեր առիթներով հաճախակի բախումներ են հրահրել հայ բնակչությանը: Այս գյուղը դարձել է ունեցել, ակունք-գրադարանի շենք, որոնցից միայն ավերակներն են հիմա մնացել:



ԳԵՂԱՄԱՍԱՐԻ ՄԱՆԿԱԳԱՐՏԵԶԻ ՆՈՐ ՇԵՆՔԻ ԿԱՌՈՒՑՄԱՆ ԱՇԽԱՏԱՆՔՆԵՐՆ ԻՐԱԿԱՆԱՑՎԵԼ ԵՆ ՇՈՒՐՋ 50 ՏՈԿՈՍՈՎ

Գեղարքունիքի մարզի Վարդենիս համայնքի Գեղամասար գյուղի մանկապարտեզի նոր շենքի կառուցման աշխատանքներն իրականացվել են շուրջ 50 տոկոսով:

Ինչպես տեղեկացրեց շինարարական աշխատանքներն իրականացնող «Ալմաք» ՍՊԸ հիմնադիր տնօրեն Գեորգ Փինաչյանը, Գեղամասար գյուղի մանկապարտեզի նոր շենքի կառուցման եւ հին շենքի վերակառուցման ծրագրի պայմանագրային արժեքը կազմում է 150 միլիոն դրամ, որն ամբողջությամբ հատկացվում է պետությունից միջոցներից:

Ծրագրով նախատեսված է մանկապարտեզի հին շենքի ամրացում ու վերակառուցում ու նոր լրացուցիչ մաս-



նաշենքի կառուցում նկուղային հարկով:

Շինարարական աշխատանքները մեկնարկել են 2024 թվականի հուլիսից, որոնց ավարտը նախատեսված է 2026 թվականի հուլիսին:

-Այսօրվա դրությամբ փաստացի իրականացվել են շուրջ 75 միլիոն դրամի շինմոնտաժային ու այլ կարգի աշխատանքներ: Մասնավորապես, ավարտվել են հին շենքի ամրացման ու վերակառուցման, նոր շենքի կառուցման, ջեռուցման համակարգի, սանհանգույցների կառուցման, էլեկտրաֆիկացման, դռների եւ լուսանւտների տեղադրման աշխատանքները: Մնում է իրականացնել նոր մասնաշենքի տանիքի կառուցման, արտաքին

երեսպատման, ներքին հարդարման ու այլ կարգի որոշ աշխատանքներ: Փորձում ենք արագացնել աշխատանքի տեմպերը, այն հաշվով, որ հասցնենք նույնիսկ այս տարեվերջին, սահմանված ժամկետից ավելի վաղ, ավարտել շինարարությունը, ներկայացրեց Գեորգ Փինաչյանը:

Գեղամասարի մանկապարտեզը կառուցվում ու վերակառուցվում է ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում, ինչի արդյունքում Գեղամասարում եկող տարի կշահագործվի արդի չափորոշիչներին համապատասխան 50 տեղանոց մանկապարտեզ:

«Գեղամա աշխարհ»ս

ՆՈՐԱՏՈՒՄԻ ԹԻՎ 2 ՄԱՆԿԱՊԱՐՏԵԶՈՒՄ ՇԱՀԱԳՈՐԾՄԱՆ Է ՀԱՆՁՆՎԵԼ ԿԵՂՏԱԶՐԵՐԻ ԿԵՆՍԱԲԱՆԱԿԱՆ ՄԱՔՐՄԱՆ ԱՊԱԿԵՆՏՐՈՆԱՑՎԱԾ ԿԱՅԱՆ

Գեղարքունիքի մարզի Գավառ համայնքի Նորատուս գյուղի թիվ 2 մանկապարտեզի տարածքում, «Սեւանա լճի շրջակա միջավայրի պահպանություն» ծրագրի շրջանակներում, բացվել է կենսաբանական մաքրման ապակենտրոնացված կայան, որն ապահովում է մանկապարտեզի կեղտաջրերի անվտանգ մաքրումը եւ մաքրված ջուրը ոռոգման նպատակով օգտագործումը:

Ինչպես տեղեկացրեց «Սեւանա լճի շրջակա միջավայրի պահպանություն» ծրագրի Գեղարքունիքի մարզի ծրագրերի համակարգող Վարդաղատ Սարգսյանը, նոր կայանը ոչ միայն էկոլոգիական, այլև կրթական դեր է ստանձնում: Նրա տեղակայումը հենց մանկապարտեզում խորհրդանշում է մաքուր միջավայրի կարեւորությունը երեխաների ապագայի համար:



Միջոցառման ընթացքում ներկայացվել են նաեւ փոքրիկների կողմից պատրաստված նկարները՝ Սեւանա լճի թեմայով:

Կեղտաջրերի կենսաբանական մաքրման կայանի բացմանը ներկա են եղել Հայաստանում ԵՄ դեսպան Վասիլիս Մարագոսը, ՀՀ շրջակա միջավայրի նախարարի տեղակալ Արա Մկրտչյանը, Հայաստանի Հանրապետությունում Գերմանիայի Դաշնային Հանրապետության դեսպան Կլաուդիա Բուշը, ՀՀ Ջրային կոմիտեի նախագահ Կարեն Սեդրակյանը, Գեղարքունիքի մարզպետի տեղակալ Վահան Զարոյանը, Գավառի համայնքի ղեկավարի տեղակալ Գրիգոր Դաշտոյանը, պաշտոնական այլ անձինք:

Բացի կայանի կառուցումից, ծրագրի շրջանակում մանկապարտեզների ուսուցիչները ստացել են հատուկ կրթական նյութեր՝ երեխաներին ջրի խնայողության, Սեւանի պահպանության եւ բնապահպանական գիտակցության վերաբերյալ ուսուցանելու համար:

«Սեւանա լճի շրջակա միջավայրի պահպանություն» ծրագիրը նպատակ ունի բարելավել Սեւանա լճի էկոհամակարգի պաշտպանությունն ու խթանել ջրի որակի բարձրացումը: Ծրագիրը համաֆինանսավորվում է Եվրոպական Միության եւ Գերմանիայի Դաշնային Հանրապետության կառավարության կողմից եւ իրականացվում է GIZ-ի եւ ՄԱՅԾ-ի միջոցով սերտ համագործակցելով ՀՀ պետական եւ համայնքային մարմինների հետ:

ՄԵՎԱՆ ԲԱՂԱՔՈՒՄ ԳՈՐԾԱՐԿՎԵԼ Է ԿՈՇՏ ԿԵՆՑԱՂԱՅԻՆ ԹԱՓՈՆՆԵՐԻ ՏԵՍԱԿԱՎՈՐՄԱՆ ՀԱՄԱԿԱՐԳԸ

Գեղարքունիքի մարզի Սեւան քաղաքում 2025 թվականի հուլիսի 26-ից մեկնարկել է կոշտ կենցաղային թափոնների տեսակավորման համակարգը:

Կենցաղային կոշտ թափոնների տեսակավորման նպատակով Սեւան համայնքը ստացել է 1680 եվրոպական արտադրության թափոնաման եւ 1 թափոնատար մեքենա՝ շուրջ 300000 եվրոյի համարժեք ֆինանսավորմամբ: Նոր ծառայությունն արդեն հասանելի է քաղաքի ողջ տարածքում: Այս համակարգի ներդրումը հնարավոր է դարձել Շվեդիայի կողմից ֆինանսավորվող «Հայաստանում թափոնների կառավարման քաղաքականություն» ծրագրի շրջանակում, որն իրականացվում է «Acopian Center for the Environment»-ի կողմից՝ Սեւանի քաղաքապետարանի, ՀՀ տարածքային կառավարման եւ ենթակառուցվածքների եւ ՀՀ շրջակա միջավայրի նախարարությունների հետ համագործակցությամբ:

Այժմ սեւանցիները կարող են տեսակավորել վերանշակվող թափոնները՝ կապույտ թափոնամանում լցնելով՝ պլաստիկ, մետաղ, թուղթ, կանաչ թափոնամանում՝ ապակի: Իսկ սեւ թափոնամաններն էլ, որոնք տեղադրվել են «Կոտայքի եւ Գեղարքունիքի ԿԿԹԿ» ՄՊԸ-ի կողմից, նախատեսված են խառը, չտեսակոր-

վող թափոնների համար:

Վերանշակելի թափոնների հավաքումն ու տեղափոխումը կիրականացնի Կոտայքի եւ Գեղարքունիքի ԿԿԹԿ-ն:

Նոր համակարգը կնպաստի բարեկարգ եւ առողջ միջավայրի ձեւավորմանը: Բայց ամենինչ կախված է համայնքի բնակիչների գիտակցված մասնակցությունից: Վստահ ենք՝ Սեւանը օրինակ կլինի այլ համայնքների համար:

Սեւանում ներդրվել է նորարարական համակցված մոդել՝ ըստ եվրոպական փորձի: Մեր հաջորդ քայլը կենսաբանական թափոնների տեսակավորումն է: Թափոնները պարզապես աղբ չեն՝ դրանք ռեսուրս են, -նշել է Սեւանի կոշտ կենցաղային թափոնների ծրագրի ղեկավար Հարություն Ալպետյանը:

Միջոցառման ընթացքում Սեւան համայնքի բնակիչները ծանոթացել են կոշտ կենցաղային թափոնների տեսակավորման նոր համակարգին, մասնակցել թեմատիկ խաղերի եւ ստացել անհրաժեշտ տեղեկատվական նյութեր:

Արմինե Ղուկասյան



ՋՈՐԱԳՅՈՒՂՈՒՄ ԽՄԵԼՈՒ ԶՐԱՏԱՐԻ ՆԵՐՔԻՆ ՑԱՆՑ Է ԿԱՌՈՒՑՎՈՒՄ



Գեղարքունիքի մարզի Մարտունի համայնքի Ջորագյուղ գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում արդեն մեկնարկել է ընթացումն են խմելու ջրատարի ներքին ցանցի կառուցման աշխատանքները:

Ինչպես տեղեկացրեց Ջորագյուղի վարչական ղեկավար Արարատ Սաֆարյանը, Ջորագյուղի խմելու ջրատարի ներքին ցանցի կառուցման ծրագրի պայմանագրային արժեքը կազմում է 280 միլիոն դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Մարտունու համայնքապետարանը:

Ծրագրով նախատեսված է խմելու ջրատարի ներքին ցանցի կառուցում Ջորագյուղի 8 փողոցներում, 12 կիլոմետր 200 մետր երկարությամբ, պոլիէթիլենային խողովակներով:

Շինարարության մեկնարկը տրվել է 2025 թվականի հուլիսից: Ծրագիրը նախատեսվում է ավարտի հասցնել այս տարվա ընթացքում:

Ծրագրի իրականացման արդյունքում խմելու մշտական ու որակյալ ջրամատակարարման կապահովվեն Ջորագյուղի 280 տնտեսությունը:

ՎԱՆԵՎԱՆ ԳՅՈՒՂՈՒՄ ՄԵԿԵԱՐԿԵԼ ԵՆ ԳԱՐԱՇԻ ՓՈՂՈՑԻ ՀԻՄՆԱՆՈՐԴՄԱՆ ԱՇԽԱՏԱՆՔՆԵՐԸ

Գեղարքունիքի մարզի Վարդենիս համայնքի Վանեւան գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում մեկնարկել է ընթացումն են Գարազաշի փողոցի հիմնանորոգման աշխատանքները:

Ինչպես տեղեկացրին Վարդենիսի համայնքապետարանի աշխատակազմից, Վանեւանի Գարազաշի փողոցի հիմնանորոգման ծրագրի պայմանագրային արժեքը կազմում է 108 միլիոն դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Վարդենիսի համայնքապետարանը:

Ծրագրով նախատեսված է ճանապարհի երթեւեկելի մասի հիմնանորոգում՝ 1037 գծամետր երկարությամբ եւ 4300 եռաշերտ մետր մակերեսով, ջրահեռացման համակարգի կառուցում,

կահավորում եւ գծանշում:

Շինարարական աշխատանքները մեկնարկել են 2025 թվականի հուլիսի 14-ից եւ կավարտվեն նույն տարվա հոկտեմբերին:

Շինարարական աշխատանքներն իրականացնում է «Շանթ-Սեյրան» ՄՊԸ-ն:



ՄԱՐՏՈՒՆԻ ԲԱՂԱՔՈՒՄ 3 ՓՈՂՈՑԻ ՀԻՄՆԱՆՈՐԴՄԱՆ ԱՇԽԱՏԱՆՔՆԵՐԸ ԳՏՎՈՒՄ ԵՆ ԱՎԱՐՏԱԿԱՆ ՓՈՒԼՈՒՄ

Գեղարքունիքի մարզի Մարտունի քաղաքում ՀՀ կառավարության կողմից 2024 թվականին իրականացվող սուբվենցիոն ծրագրերի շրջանակներում ավարտական փուլում են գտնվում Արցախի, Պարույր Սեւակ եւ Թումանյան փողոցների հիմնանորոգման աշխատանքները:

Ինչպես տեղեկացրին Մարտունու համայնքապետարանի աշխատակազմից, հիմնանորոգումն ընդգրկում է վերոնշյալ փողոցների մայրերի սալիկապատման, ճանապարհների երթեւեկելի մասերի ասֆալտապատման ու ջրահեռացման համակարգերի կառուցման աշխատանքները:

Մարտունու Արցախի, Պարույր Սեւակ եւ Թումանյան փողոցների երթեւեկելի մասերի ասֆալտապատման ծրագրի պայմանագրային արժեքը կազմում է 79 միլիոն 963 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը: Ծրագրով նախատեսված է 3 փողոցների ճանապարհների երթեւեկելի մասերի ասֆալտապատման՝ 1311 գծամետր ընդհանուր



երկարությամբ եւ 9177 քառակուսի մետր մակերեսով:

Շինարարական աշխատանքները սկսվել են 2024

թվականի հոկտեմբերից եւ 2025 թվականի հուլիսի վերջերի դրությամբ արդեն գտնվում են ավարտակա փուլում:


Շինարարական աշխատանքներն իրականացրել է «Շանթ-Սեյրան» ՄՊԸ-ն:

2024 թվականի սուբվենցիոն մեկ այլ ծրագրով սալիկապատվել են Արցախի, Պարույր Սեւակ եւ Թումանյան փողոցների մայրերը՝ 1380 գծամետր ընդհանուր երկարությամբ եւ 2651 քառակուսի մետր մակերեսով: Ծրագրի շրջանակներում կառուցվել է նաեւ ջրահեռացման համակարգ:

Ծրագրի պայմանագրային արժեքը կազմում է 115 միլիոն 645 հազար դրամ, որի 70 տոկոսը հատկացնում է ՀՀ կառավարությունը, 30 տոկոսը՝ Մարտունու համայնքապետարանը:

Շինարարական աշխատանքները մեկնարկել են 2024 թվականի սեպտեմբերից եւ 2025 թվականի հուլիսի վերջի դրությամբ մոտենում են ավարտին:

Շինարարական աշխատանքներն իրականացնում է «ՎՄՎ ԶՈՒՓՆԻ» ՄՊԸ-ն:



ՖԻՆԱՆՍԻՆԻ ԴԵՄՊԱՆ ՕԼԻՎԻԵ ԴԵԿՈՏԻՆՅԱՆ ԱՅԶԵԼԵԼ Է ՍԵՎԱՆ ՀԱՄԱՅՆՔԻ ԾԱՂԿՈՒՆՔ ԳՅՈՒՂ

Հայաստանի Հանրապետությունում Ֆրանսիայի դեսպան Օլիվիե Դեկոտինյեն, «Սեւան ստարտափ սամիթ 2025»-ին ներկա գտնվելուց հետո այցելել է նաև Գեղարքունիքի մարզի Սեւան համայնքի Ծաղկունք գյուղի բուժկետ:

Ծաղկունքի բուժկետը վերջերս է վերանորոգվել Ֆրանսիայի Հանրապետության Իգերի եւ Հայաստանի Հանրապետության Գեղարքունիքի մարզերի, ինչպես նաև Գրենորլ եւ Սեւան քաղաքների միջեւ կնքված ապակենտրոնացված համագործակցության շրջանակներում, Ֆրանսիական «Բժշկական օգնություն եւ զարգացում» կազմակերպության կողմից:

Ծրագիրն ընթացել է երկու փուլով, ինչի արդյունքում այստեղ իրականաց-

վել են վերանորոգման, ներքին հարդարման, ջեռուցման համակարգի կառուցման աշխատանքներ: Բուժկետը համալրվել է առաջին օգնության համար անհրաժեշտ սարքավորումներով, տեխնիկական միջոցներով, իսկ Սեւանի բժշկական կենտրոնի կողմից տրամադր-



վել է ամրապնդված գույք:

Այս ծրագրի իրականացման արդյունքում բնակիչների համար առաջնային բուժօգնությունը դարձել է առավել հասանելի, միջավայրը հարմարավետ:

Դեսպան Օլիվիե Դեկոտինյեն «X»-ի իր միկրոբլոգում գրել է. «Այց Գեղարքունիքի մարզի Ծաղկունք գյուղի դիսպանսեր, որը վերանորոգվել է «Բժշկական օգնություն եւ զարգացում» Ֆրանսիական ՀԿ-ի կողմից Գրենորլ քաղաքի եւ Գեղարքունիքի մարզպետարանի աջակցությամբ: Ֆրանսիայի եւ Հայաստանի միջեւ ապակենտրոնացված համագործակցությունը տարածվում է ողջ երկրով մեկ»:

Արմինե Ղուկասյան

ԳԱՎԱՌԻ ՀԱՄԱՅՆՔԱՊԵՏԱՐԱՆԸ ՓՈԽՀԱՏՈՒՅՈՒՄ Է ՏՐԱՄԱԴՐԵԼ ՆՈՐԱՆՈՒՄ ԳՅՈՒՂԻ ԲՆԱԿԻՉ ԱՇՈՏ ՀԱՅՐԱՊԵՏՅԱՆԻՆ



Գավառ համայնքի ղեկավար Գուրգեն Մարտիրոսյանի նախաձեռնությամբ Նորատուսի բնակիչ Աշոտ Հայրապետյանին վնասի փոխհատուցում է տրամադրվում թվով 20 ոչխարների տեսքով:

2025 թվականի մայիսի 29-ի գիշերը գայլերի ոհմակը հարձակվել էր Աշոտ Հայրապետյանի փարախում գիշերող ոչխարների հոտի վրա եւ հոշոտել 70 գլուխ ոչխար: Աշոտ Հայրապետյանի ընտանիքն իր ապրուստը վաստակում է ոչխարապահությամբ: Բացի իր սեփականից, հոտում եղել են նաև ուրիշների ոչխարներ: Շուրջ

160 գլուխ ոչխարների գրեթե կեսին գայլերը հոշոտել են: Գայլերի հարձակումից անմիջապես հետո Գավառի համայնքապետարանի կողմից կազմված հանձնաժողովը տեղում ուսումնասիրել է իրավիճակը եւ հարցը ներկայացրել համայնքի ավագանու քննարկմանը, որի արդյունքում էլ որոշվել է տուժած ընտանիքին մասնակի փոխհատուցում տրամադրել 20 ոչխարի տեսքով: 20 գլուխ մայր ոչխարներն արդեն Գավառի համայնքապետարանի կողմից հանձնվել են տուժած տնտեսությանը:

-Թեև վնասն ամբողջությամբ չի փոխհատուցվել, սակայն տրվածը մեղմել է մեր տնտեսության կրած վնասները ու արդեն հնարավորություն տալիս մեր հոտի գլխաքանակն աստիճանաբար ավելացնելու համար, ինչի համար էլ մեր շնորհակալություն ենք հայտնում Գավառ համայնքի ղեկավարին, ավագանու անդամներին ու աշխատակիցներին,-ասել է Աշոտ Հայրապետյանը:


Ավարդ Մանուկյան

ՍԵՎԱՆԱ ԼՃՈՒՄ ՏՐՎԵԼ Է ԱՌԱԳԱՏԱՆԱՎԱՅԻՆ ՍԴՈՐՏԻ ՀԱՅԱՍՏԱՆԻ ԳԱՎԱՌԻ ՄՐՑԱՇԱՐԻ ՄԵԿՆԱՐԿԸ

2025 թվականի հուլիսի 25-27-ին «ԴԻ ԷԼ ԷՖ ԳՐՈՒՊ» ՍՊԸ-ն եւ «Winds of Armenia» առագաստանավային ակումբը Սեւանա լճում կազմակերպել են առագաստանավային սպորտի Հայաստանի Գավառի մրցաշարի առաջին փուլը:

Ինչպես տեղեկացրին Գեղարքունիքի մարզպետի աշխատակազմից, մրցաշարի հաղթող են ճանաչվել «Skolkovo Sailing Team 3», «Marlin», «Black Swan» թիմերը: Մրցաշարի երկրորդ փուլը կկայանա այս տարվա օգոստոսի 15-17-ին, կրկին Սեւանա լճի ափին «Նոյ Լենդ Ռեզորթ»-ի տարածքում: Մրցանակային ֆոնդը կազմում է 7 միլիոն դրամ:

Առագաստանավային սպորտի Հայաստանի գավառի հաղթողը



ձեռք կբերի իրավունք մասնակցելու սեպտեմբերին կայանալիք բաց առաջնությանը առանց մեկնարկային վճարի:

Իսկ սեպտեմբերի 11-14-ը կայանալու է Հայաստանի բաց առաջնությունը J/70 դասում, որտեղ մասնակցելու են մինչև 20 պատվիրակություններ տարբեր երկրներից:

Մրցանակային ֆոնդը կազմելու է 10 միլիոն դրամ:

ԳԵՂԱՐՔՈՒՆԻՔԻ ՄԱՐԶՈՒՄ ՄԵԿՆԱՐԿԵԼ Է ԲԱՅՔԵՐԱԿԱՆ ՄԻՋԱԶԳԱՅԻՆ 6-ՐԴ ՓԱՌԱՏՈՒՆԸ



Գեղարքունիքի մարզի ճամբարակ համայնքի Դրախտիկ գյուղի տարածքում տեղի է ունեցել բայքերական միջազգային 6-րդ փառատոնը, որին մասնակցել են այս ենթամշակույթի ներկայացուցիչներ ոչ միայն Հայաստանից, այլև արտասահմանից Գերմանիայից, Ավստրիայից, Իրանից եւ Ռուսաստանից:

Ինչպես տեղեկացրեց «Բայքեր զոն. Հայաստան» ՀԿ նախագահ Արտակ

Նենալով ճամբարակ եւ Դիլիջան քաղաքներում:

-Այսօրինակ միջոցառումները հնարավորություն են տալիս Հայաստանում բազմազան դարձնել ամառային առօրյան: Փառատոնի կազմակերպման ուղղությամբ մեզ բավարար աջակցություն է ցուցաբերել Գեղարքունիքի մարզպետի աշխատակազմը, ներկայացրեց Արտակ Ռշտունին:

Անահիտ Կարեյան

ՎԱՐԴԵՆԻՄ ԲԱՂԱՐՈՒՄ ՄԵԿՆԱՐԿԵԼ ԵՆ 3 ՓՈՂՈՑՆԵՐԻ ՀԻՄՆԱՆՈՐՈՎՄԱՆ ԱՇԽԱՏԱՆՔՆԵՐԸ

Գեղարքունիքի մարզի Վարդենիս քաղաքում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում մեկնարկել են ընթանում են Ազգալոյան, Երիտասարդության եւ Անդրեասյան փողոցների հիմնանորոգման ծրագրի պայմանագրային արժեքը կազմում է 137 միլիոն դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Վարդենիսի համայնքապետարանը:

Ծրագրով նախատեսված է վերոնշյալ երեք փողոցների երթևեկելի մասերի գոյություն ունեցող պատվածքի քանդում, ավազակույքային հիմքի եւ ասֆալտեթոնյա ծածկի տեղադրում, ջրահեռացման համակարգի կառու-



ցում, կահավորում եւ գծանշում: Հիմնանորոգվող ճանապարհի ընդհանուր երկարությունը կազմում է 978 մետր, մակերեսը 10 հազար 269 քառակուսի մետր:

Շինարարական աշխատանքներն իրականացնում է «ՎՄԿ ՔԱՄՓՆԻ» ՍՊԸ-ն:

Շինարարական աշխատանքները նախատեսված է ավարտել 2025 թվականի հոկտեմբերին:

ՀԻՄՆԱՆՈՐՈՎՎՈՒՄ Է ՀԱՄԱՐԱՐԱԿ ԲԱՂԱՔԻ ԹԻՎ 2 ՀԻՄՆԱԿԱՆ ԴՊՐՈՑԻ ՄԱՐԶԱԴԱՀԼԻՃԸ

Գեղարքունիքի մարզի ճամբարակ համայնքում ՀՀ կառավարության կողմից տրամադրված միջոցներով 2025 թվականի մայիսից սկսվել են ընթանում են ճամբարակի թիվ 2 հիմնական դպրոցի մարզադահլիճի հիմնանորոգման աշխատանքները:

Ինչպես տեղեկացրեց ճամբարակի թիվ 2 հիմնական դպրոցի տնօրեն Կարինե Գրիգորյանը, ծրագրի պայմանագրային արժեքը կազմում է 19 միլիոն 948 հազար դրամ: Ծրագրով նախատեսված է մարզադահլիճի հատակի, պատերի, առաստաղի, հանդերձարանների, ֆիզդեկի սենյակի, լոգարանների, միջանցքի, սանհանգույց-



ների կապիտալ նորոգում, օդափոխության համակարգի, նոր լուսամուտների տեղադրում ու ցանցապատում, այլ կարգի աշխատանքներ:

2025 թվականի հուլիսի 30-ի դրությամբ շինարարական աշխատանքներն իրականացված են շուրջ 80 տոկոսով:

Ծրագրի իրականացման արդյունքում այս ուսումնական տարվա սկզբից ճամբարակի թիվ 2 հիմնական դպրոցի աշակերտները ֆիզկուլտուրայի դասերը կանցկացնեն արդի չափորոշիչներին համապատասխան մարզադահլիճում:



8

Պատմում են, որ մարտունեցի Քոլոգի Բեգուն եղել է շատ շիտակ եւ ուղղամիտ մարդ։ Նրա հետ կապված են մի շարք գրույցներ՝ կապված աշխատանքային գործունեության, հնձելու, կալսելու հետ։ Հայաստանի քաղաքներից շատ է սիրել Երզրունը եւ երազել է մի անգամ գոնե լինել այդ քաղաքում։ Պատմում են նաեւ, որ Բեգուն մեկ-մեկ էլ հիվանդանում էր, բայց չէր թողնում հեքին կամ բժիշկ կանչել, այլ ըր տղաներից սառույց էր ուզում։ Մի քանի

կտոր սառույց ուտելուց հետո թեթեւանում էր եւ հաջորդ օրը ոտքի ելնում։ Մի անգամ էլ հիվանդանում է տիֆով եւ սկսում գառանցել։ Սառույց է ուզում, պահանջում է, որ իր մեծ որդի Արզունը ձեռքը բռնի, խոսում է կնոջ ու մյուս տղաների հետ եւ հանկարծ պահանջում է, որ իրեն տեղափոխեն Երզրուն։ Տանեցիների բացատրությունը չի լսում ու անընդհատ պահանջում է.
-Երզրուն, Երզրուն...
Արզունանը կարգադրում է՝ հագցնել Բեգոյի տրեխները, գլխին շոր կապել

եւ տաք շալ գցել ուտերին։ Երբ այդ բոլորը կատարում են, տնեցիները, Բեգոյի ձեռքերից բռնած, ասում են.
-Ափո, քայլի, որ գնանք Երզրուն։
Բեգոյին քայլելով տանում, մտցնում են իրենց գոմը, որտեղ փնջացնում էր միակ չալ գոմեշը.
-Ափո, հասանք Երզրուն, դե կարոտդ հան,- ասում են ու քթի տակ ծիծաղում։
Խելքը թոցրած ծերունին հափշտակությամբ շոշափում է գոմի խոռոչավոր պատերը, ջրի գուռը, վերջապես գոմեշի մարմինը։ Երբ ծերունու ձեռքերը

հասնում են գոմեշի մարմնին, կատակասեր Կոլյան ավելացնում է.
-Ափո, դա էլ Երզրունի հացի փուռն է։
«Երզրունից» ետ են բերում տուն, եւ Բեգուն իրեն լավ է զգում։ Մի քանի օր հետո նա լրիվ ապաքինված էր։
Արտաշ Ստեփանյան

ՃՈՒԿ ԽԱՂԻ ԿԱՆՈՆՆԵՐԸ

Ճուկ խաղը Մարտունու օդաներում տարածված ամենամասայական խաղն է եղել։ Այդ խաղը խաղացել են թե՛ մեծերը, թե՛ փոքրերը։ Ճուկ խաղի համար վերցնում են 40-50 սմ երկարությամբ եւ մոտ 15 սմ լայնությամբ մի տախտակ, որի հաստությունը չի անցնում երկու սանտիմետրը։ Տախտակի ծայրերը կտրացնում են եւ ցայտուն գծերով բաժանում 15 հավասար մասերի։ Այնուհետեւ ուռնում շիվերից կտրում են մատիտի հաստությամբ եւ 1.5-2 սմ երկարությամբ 30 փայտիկներ, որոնցից 15-ը ներկում են մի գույնի, մյուս 15-ը՝ ուրիշ գույնի։ Խաղը կատարում են երկու հոգով, որոնք նստում են դեմ դիմաց եւ տախտակը տեղավորում իրենց արանքում։ Նրա վրա ամեն մեկը

տախտակի իր կողմի եզրին գծված վանդակների մեջ շարում է իր ընտրած գույնի փայտիկները՝ յուրաքանչյուրը մի վանդակում։ Այնուհետեւ խաղն սկսում են երկու ճաներով /վեզերով/։ Խաղացողներից մեկը վերցնում է երկու ճան եւ զգույն տախտակի մոտ, մի հարթ տեղ եւ նայում ճաներին՝ որոշելու, թե ինչ դիրքով են ընկել գետնին։ Նկատի ունենալով, որ ճաների տարբեր դիրքը պահանջում է համապատասխան խաղ՝ դրանով էլ խաղացողները կողմնորոշվում են ու իրենց փայտիկները տախտակի վրա եղած վանդակներում դասավորում ըստ ճանի ցույց տված ցուցանիշների։
Ընդ որում, ճանի փոս ընկած մասը կոչվում է «պռոշ» եւ հավասար է երկու

միավորի, նրա հակառակ կողմը կոչվում է «սալ» եւ հավասար է երեք միավորի, համեմատաբար հարթ մասը կոչվում է «քիս» եւ հավասար է տասը միավորի, իսկ նրա հակառակ կողմը կոչվում է «աղա» եւ հավասար է 14 միավորի։
Խաղացողներից ամեն մեկը ձգտում էր վանդակները գրավել գույգ փայտիկով, քանի որ գույգ փայտիկը համարվում է փակյան եւ փակում է մի խաղացողի կողմից գրաված վանդակը՝ թույլ չտալով, որ հակառակորդը այդտեղով անցնի։ «Պռոշ» ու «սալը» գույգ լինելու դեպքում միավոր չի ավելանում, «քիսը» գույգ լինելու դեպքում դառնում է քսան միավոր, իսկ «աղան» գույգ լինելու դեպքում՝ քսանուրեք միավոր։

վոր։ Հաղթող է համարվում նա, ով առաջինը իր բոլոր փայտիկները տախտակի վրայի վանդակներով անցկացնում ու դուրս է հանում։
Ճուկը խաղացել են հիմնականում զբաղվելու համար։ Խաղացել են նաեւ պայմանով, որ տարվողը գառ մորթի, աքլոր մորթի, օղի դնի եւ այլն։ Խաղացել են նաեւ այնպիսի պայմանով, որ տարվողը պառլի փորի վրա, իսկ հաղթողը ծուկի տախտակով նախապես որոշված թվով հարվածներ հասցնի նրա հետույքին։ Վերջին պայմանը շատ է ուրախացրել օղայուն հավաքված մարդկանց եւ կենսագործվել է հանդիսատեսի ակտիվության պայմաններում։
Արտաշ Ստեփանյան

ԸՆԹԱՆՈՒՄ ԵՆ ՀԱՄԱՐԱՐԱՆԿ ԲԱՆԱԲԻ ՄՈՒՏՔԻ ՎՆԱՍՎԱԾ ՀԵՆԱՊԱՏԻ ՎԵՐԱԿԱՆԳՆՄԱՆ ԱՇԽԱՏԱՆՔՆԵՐԸ



Գեղարքունիքի մարզի ճամբարակ քաղաքում ՀՀ կառավարության կողմից իրականացվող հրատապ ծրագրերի շրջանակներում այս տարվա հուլիսի կեսերից սկսվել են ընթանում են 2024 թվականի հունիսյան հորդառատ տեղումների հետեւանքով վնասված մուտքի հարակից հենապատի վերականգնման աշխատանքները։
Ինչպես տեղեկացրին Գեղարքունի-

քի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, ծրագրի պայմանագրային արժեքը կազմում է 97 միլիոն 281 հազար դրամ, որն ամբողջությամբ հատկացվում է պետությունից միջոցներից։
Ծրագրով նախատեսված է բանդման աշխատանքների իրականացում, 267 մետր երկարության հենապատի վերականգնում միաձույլ բետոնով եւ երեսպատում բազալտե քրքատաշ սալիկներով։ Վերականգնվող հենապատի ողջ երկայնքով տեղադրվելու է նաեւ ութ սանտիմետր հաստության սրբատաշ բազալտե քիլ։
2025 թվականի հուլիսի 30-ի դրությամբ իրականացվում են հողային եւ հենապատի հիմքերի բետոնացման աշխատանքներ։ Շինարարական աշխատանքները նախատեսված է ավարտել 2025 թվականի ընթացքում։

ՀԻՄՆԱՆՈՐԳՎՈՒՄ Է ՀԱՄԱՐԱՐԱՆԿԻ ՀԱՄԱՅՆՔԱՊԵՏԱՐԱՆԻ ՎԱՐՉԱԿԱՆ ՇԵՆՔԸ

Գեղարքունիքի մարզի ճամբարակ քաղաքում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում այս տարվա մարտ ամսից սկսվել են ընթանում են ճամբարակի համայնքապետարանի վարչական շենքի հիմնանորոգման աշխատանքները։
Ինչպես տեղեկացրին ճամբարակի համայնքապետարանի աշխատակազմից, ճամբարակի համայնքապետարանի վարչական շենքի հիմնանորոգման ծրագրի պայմանագրային արժեքը կազմում է 73 միլիոն դրամ, որի 60 տոկոսը հատկացնում է ՀՀ կառավարությունը, 40 տոկոսը՝ ճամբարակի համայնքապետարանը։
Ծրագրով նախատեսված է շենքի առաջին եւ երկրորդ հարկերի ներքին հարդարում, նոր դռների եւ լուսամուտների տեղադրում, սանհանգույցների, աստիճանավանդակների նորոգում, հատակի եւ նիստերի դափլիճի հիմնանորոգում, այլ աշխատանքներ։



2025 թվականի հուլիսի 30-ի դրությամբ շինարարական աշխատանքներն իրականացված են շուրջ 80 տոկոսով։
Ճամբարակի համայնքապետարանի վարչական շենքի երրորդ հարկը հիմնանորոգվել է 2022 թվականին, ՀՀ կառավարության կողմից իրականացվող սուբվենցիոն ծրագրերի շրջանակներում։
Ծրագրի պայմանագրային արժեքը կազմել է 15 միլիոն 600 հազար դրամ։

ԳԵՂԱՐՔՈՒՆԻՔԻ ՄԱՐԶԻ ԲՈՒԺՀԻՄՆԱՐԿՆԵՐՈՒՄ 2025 ԹՎԱԿԱՆԻ ՀՈՒԼԻՍ ԱՄՍԻՆ ԾՆՎԵԼ Է 115 ԵՐԵՒԱՆ

Գեղարքունիքի մարզի բուժհիմնարկներում 2025 թվականի հուլիս ամսին ծնվել է 115 երեխա՝ 68 տղա, 47 աղջիկ։
Ինչպես տեղեկացրին Գեղարքունիքի մարզպետի աշխատակազմի առողջապահության եւ սոցիալական ապահովության վարչությունից, 43 երեխա ծնվել է Մարտունու ծննդատանը, 26 երեխա՝ Սեւանի, 24 երեխա՝ Գավառի, 18 երեխա՝ Վարդենիսի բժշկական կենտրոններում, 4 երեխա՝ ճամբարակի առողջության կենտրոնում։
2024 թվականի հուլիսին Գեղարքունիքի մարզի ծննդօգնություն իրականացնող բուժհիմնարկներում ծնվել է 111 երեխա։

ՄԵՎԱՆԱ ԼՃԻ ՄԱԿԱՐԴԱԿԸ ՆՎԱԶԵԼ Է 4 ՍԱՆՏԻՄԵՏՐՈՎ

2025 թվականի օգոստոսի 6-ի դրությամբ Սեւանա լիճը ծովի մակերևույթից գտնվել է 1900 մետր 60 սանտիմետր բարձրության վրա, ինչը 6 սանտիմետրով նվազել է նախորդ տարվա նույն օրը գրանցված միջից։
Ինչպես տեղեկացրին ՀՀ ՇԱՆ «Հիդրոօդերևութաբանության եւ մոնիտորինգի կենտրոն» ՊՈԱԿ տեղեկագրից, այս տարվա հունիսի հուլիս ամիսների ընթացքում ոռոգման նպատակներով Հրազդանի հունով արդեն բաց է թողնվել 111 միլիոն 904 հազար խորանարդ մետր ջուր, իսկ հունվար-հուլիս ամիսների ընթացքում Արփա-Սեւան թունելային ջրատարով Սեւանա լիճ է տեղափոխվել 98 միլիոն 847 հազար խորանարդ մետր ջուր։
Սեւանա լիճ թափվող գետերը գտնվում են ամառային սալավաջուր փուլում։



Լրատվական գործունեություն իրականացնող «Գեղարքունիք» թերթի խմբագրություն» ՓԲԸ։ Հասցեն՝ ք. Գավառ, Կենտրոնական հրապարակ 7
Էլ.հասցե՝ khosrov1@yandex.ru
Գլխավոր խմբագիր՝ Խոսրով Խլղաթյան
հեռ. քցջ. 094022692

ՀՈՎՀԱՆՆԵՍԱՊԱՏՈՒՄ

Հովհաննեսը ծնունդ է առնում, հիվանդացել էր, բարձր ջերմությամբ պառկած էր։ Բժիշկ են կանչում։ Անդրանիկ Գինդուխթյան բժշկական պարագաներով գալիս է, զննում, դեղատոմսեր գրում, որից գլխավորը CH2OH-ն էր՝ սպիրտ, եթե չկա՝ օղի։
Հովհաննեսը, լսելով օղու անունը, պառկած տեղից վեր է կենում, թեթևակի հարվածում Մարգարիտի ուսին, ասելով.
- Բա, որ ես ասում էի՝ ինձ օղի տվեք, ինչու՞ չէիք տալիս։
Տղաները շտապում են խանութ, օղի բերում, բժշկի եւ իրենց հոր հետ խմում, առողջությունն ապահովում։ Այդ պահից լավանում է եւ շարունակում բարեկամություն անել «Գարեհատիկ Ջոնի» հետ։

Աշխատանքի ընթացքում Հովհաննեսի տղա Դարվիդը մրտում, հիվանդանում է, բարձր ջերմությամբ պառկած անկողին։ Բժիշկ են հրավիրում։ Քիչ անց 1-03-ով գալիս է շրջանային հիվանդանոցի վիրաբուժական բաժանմունքի վարիչ Երջանիկ Այվազյանը։ Տեսնելով Հովհաննեսին՝ հարցնում է, թե տղան ինչպե՞ս է, ջերմությունը չի՞ իջել։ Վերջինս, չկորցնելով հունորի զգացումը, ասում է.
- Դոկտոր ջան, ընդհակառակը, բարձրացել է, հասել է 80-ի։
-Ոնց թե,- զարմացած տազնապում է Այվազյան-

ը,- չհասկացա։
-Մոտ 40 ինքն ուներ, մի 100 գրամ էլ կոնյակ են տվել /իրականում ինքն էր խմել/, չեղա՞վ 80։ Բժիշկը զննում է հիվանդին, բուժում նշանակում, իսկ հայրիկին ցանկանում հաճախակի պահպանել 76 աստիճանը /36+40/։

Հովհաննեսն իր տղա Վազգենի նորակառույց տան բացման կապակցությամբ յուրահատուկ նվեր էր բերել՝ հատուկ պատվիրված բարձրակարգ փայտ խոզանակով։ Պոչի վրա իր գեղեցիկ ձեռագրով գրել էր. «Նվիրում են իմ հարս Գայանեին՝ տան բացման կապակցությամբ», ստորագրել՝ նշելով անուն, ազգանունը եւ ամսաթիվը։ Այն մինչեւ այժմ պահպանվում է։

Տարիներ առաջ համագյուղացի Տոկո Իսոյանը մահացել էր։ Հովհաննեսը զննում է նրանց տուն հարազատներին մխիթարելու։ Նայում է երիտասարդ տարիքում մահացածին, հարցնում մահվան պատճառը, որն ըստ խոսակցությունների, խնամությունն էր եղել եւ ասում.
-Տոկո ջան, ափսոսում են քեզ, միաժամանակ երանի տալիս, եթե կուշտ խմած ես եղել։

Հավաքեց՝ Դարվիդ Հովհաննիսյանը

Վկայական՝ 02 Ա 050560: Գրանցման համարը՝ 25.120.00834: Տրված 07.05.2001թ.: Տպաքանակը՝ 1000: Ծավալը՝ 2 մամուլ: Թողարկման օրը՝ 11. 08. 2025 թ.: Տպագրվում է «Սամարկ» ՍՊԸ տպարանում: «Գեղամա աշխարհ» թերթի բոլոր համարներին կարող եք ծանոթանալ <https://tert.nla.am> կայքում: